

## جوه مني

لاجل خاطرك  
ياما قلبي شاف مآسي  
عاش حياه... مفيهاش حياه...  
بس ناسي  
كنت اخاف أطلب زياده  
ألقي جيبك مش معاه  
كنت باسبح بين بحورك  
واحلمك طوق النجاه  
جرحي منك .. جرح واعر  
جرح مش لآقي دواه  
هاتي إيدك فوق ضلوعي  
زَمّي جامد ع الجراح  
وبحبال الصبر لفي  
ونشفي الدم اللي ساح  
آه ياغاليه ياللي قدرك  
في القلوب.. فوق الحيااه

لَمَّا أَشَوْف ف عنيكي دمعہ

قلبي ينفض نبضه...

ياااه

واما اشوف ف عنيكي بسمه

باحمد الرب الإله

جوه مني شوق لحضنك

واسمعي من قلبي آآه

جوه مني حب ليكي

ربي وحده...ربي وحده

اللي يعرف.. منتهاااااه

....